

感舊集

感舊集卷三

漁洋山人選

德州盧見曾

邢

昉

三十一首補遺二首

昉字孟貞江南高淳人崇正諸生有宛遊草石

曰集

漁洋詩話余最許石湖邢孟貞五言詩以為韋柳門庭中人悵未及友其人官祭酒時鄉人李君令高淳特屬訪其子孫李至

訪之則老妻稚孫焚笑孤寡饘粥不繼李脫贈三百金為置腴田其家竟不知出余意也施愚山聞之造余再拜曰某交孟貞三十年不能卹其後人之窮公與孟貞未定交而能卹其身後令不凍餓以死某媿公多矣至為流涕池北偶談順治辛丑李退菴過揚州予造謁舟中因

論近日布衣詩子舉程嘉燧吳兆退菴曰終須還他邢昉第一明詩綜陳伯璣云孟貞詩無一暢懷語讀之令人增感施尚白閨章愚山

集邢孟貞詩序其為詩以陶汰為工以沖淡為則以婉惻悲涼為致其企而之峻潔也若病暍者之思清冷其厭穠縛而引避也若見羸豕之負泥塗而執綺之蒙糞土也故其詩清越無纖埃人病之為郊寒島瘦不惜也

神鴉歎

富池驛邊日欲西甘寧廟前煙欲迷雙竿半折廟門壞
神鴉散盡風淒淒風捲長波舟去急羣鴉飛上檣頭立
送客由來歡客心舟人叫舞拋餘粒估舟斷絕古祠荒
無復釀酒剗牛羊江黃何歲無盜賊從此神鴉無肉食
神鴉有神長忍飢不向江灘啄人骨

楚江雁

江南八月蒲稗黃天邊雁叫煙蒼蒼歷落沙頭并水際
三三五五紛成行當時見雁心悽惻本爲思家歎離隔
如今繫艇武昌城始知身是江南客木葉蕭蕭下漢川
參差鴻雁忽聯翩白雲洲上疎還密黃鵠磯頭斷復連
沔口雲深迷楚樹分行作隊紛無數聞道瀟湘菰米多

天寒更向瀟湘去

黃州寄杜于皇

葦岸風淒日漸微
長隄繫艇晚依依
十年紅樹辭鄉去
八月黃州見雁飛
試問臨臯殘址在
因尋戰地幾家歸
翻憐此夕君思我
揚子潮回木葉稀

漢江懷古

曾共方城振楚關
英雄消盡逝波閒
微霜欲下漢陽樹
落日初銜大別山
蘭杜秋來洲尚綠
瀟湘南去竹多斑
燒燈崔顥題詩處
一眺風煙倍慘顏

九日大別山登高

鸚鵡洲邊草盡黃
白沙如雪禹祠荒
古來哀怨多歸楚

此日煙波正望鄉山翠乍連杯酒色亂離頻過幾重陽
眼前不見茱萸紫起傍峰頭數雁行

感懷

幼安昔避地茫茫涉廣川踰海不謂遠一去四十年往
往談名理疊疊造深元問所與談誰乃是公孫淵口罔
論世事聊此相周旋龍德既無損清風久逾宣生世偶
相符其當師此賢

溪行屢經與亡友胡印度別處興哀賦此

濺濺溪冰側是子門前路涓流亂石閒褰裳乃可度憶
昔造子廬欸欸平生故樽醪亦時有日晏未遑去相送
屋東偏幽林每徐步敲岸注微波殘陽在高樹情因老

易悲欲別恒返顧茲來溪草綠偶到臨分處子猶耿風
歡子已長不寤流泣但徘徊空慚子桑扈

與見末別宿舟中作

欸欸園田留漠漠新秋夜夜露濕莎雞流連語初罷解
纜一揮手惆悵月明下岸迴林木重猶似見君舍少壯
各飢寒殘年操耜耰塗田歲不登豈遂薄躬稼

哭胡印度

衆人各貪生同盡靡不然君已祛斯累憑化聊忽遷哀
樂復何有顧余未能捐銜悽追徃昔再歲逾綿綿茅茨
儼虛位殯宮屋西偏游塵積素几零露被荒阡貧巷氣
悽惻潦縮無流泉生死豈云隔徒悲化者賢

漢陽柳

漢陽城中一株柳映日垂絲官路口行人過盡幾含情
我獨踟躕屢回首樓閣崔嵬江上磯臨風此樹最依依
千行碧色武昌岸寂寞曾無片葉飛忽漫相看枝孃孃
風露雖殘色猶好偏憐水曲與江灣不覩青青數枝老
君不見十年寇賊戰城南烈火燒殘更不堪攀條折葉
還來此極目淒清對漢潭

梅惠連出家自黃州來住寶林菴賦贈

微官曾似南昌尉一鉢三年寄一峯却向青山成遠別
獨餘黃面到相逢謾從出世歌衰鳳且與閒潭制毒龍
回首楚雲猶有憶寒溪竹屋定時鐘

酬蔣冷生過訪鳳游寺覽古之作

路入青林折數盤
君行訪古一漫漫
荒臺空自連雲樹
白浪曾聞到瓦官
雨色乍開江岫迴
鶯聲欲罷午鐘殘
豫愁歸棹楓初赤
却向丹陽古渡看

口號

蜀江船不到三巴
湖南船不到長沙
滿地干戈關塞裏
行人那不早還家

高座寺尋介立上人作

黃葉落未盡
招提猶是秋
因耽清寂境
更上西齋樓
風榛蔽遙阪
寒景下荒邱
惆悵故情歇
難爲永日留

答楊無補吳中見寄

避地家屬遷子居宣公墓渺渺懷清風千秋此相遇策
棹詣爾廬情忻任洄沂花飄沿岸芳燕乳殘春曙別離
候圓月盈盈凡幾度豈無夙昔歡頓隔平生趣碧草空
復滋白門已非故徒然黯黯心共向滄洲去

同仍三過禪河菴

數里接遙林悠然罷囂氛因循碧溪曲演漾林端雲拂
簷水禽去依席山花薰日午一微磬塵中何繇聞

聞左帥兵將至蕪湖久未得家書作

我家近鳩茲清川百里餘鳩茲人散盡不見一行書

寺中送張興公

君有向家路但隨溪上松落日送歸去隔溪聞寺鐘

題瓦官寺

南朝當日瓦官寺每到山門感廢興
驍騎倉邊尋古井夕陽重話白頭僧

鄭元白招同陳翼仲秦淮河亭觀漲

長川淼淼接苔磯水檻亭亭日影微
浪捲石頭潮正上天低野外雨頻飛
乍看碧樹懸漁網無復朱簾鬪鴨圍
欲共憑欄更徙倚夕陽風景易沾衣

許墅乘迅風一日至嘉興作

江路忽繇邈惆悵東風前微茫歷吳縣
水上生寒煙夜潮漲溪淥夾岸桃花然
雲昏天欲雨一鳩鳴桑田越溪轉空碧
百里輕洄沿新林吐微月晚色何澄鮮
孤舟正

寥落況復聞扣舷

雨宿錢塘江口

帆隨落潮住向夕野雲昏雨氣來天目江聲出海門山川仍獨往盜賊果猶存卽次起長歎飄飄動旅魂

上嚴陵釣臺

已躡千秋跡因登百尺亭潮生兩崖碧天入衆峰青獨戍啼江鳥孤槎訪客星長思人代裏幾得此鴻冥

牧童詞

遠牧牛牧牛渡溪水食牛愛草長飲牛愛水美八月芟蒲新綠好放牛散行逐芟草牛多食芟芟始稀芟雞哺子忽驚飛柳條作弓蓬作箭日暮射雞牛未歸

楊龍友遷令青田書至言台蕩之遊賦答

括蒼山盡好此地更餐芝不逐神仙令空餘海嶽思春
江初解凍賈舶待吟詩花發桐廬縣應同聽子規

賦得春帆宜別家

我向天邊去南行到永嘉離憂孤棹遠歸夢萬山遮故
壘猶秦望春帆過若邪芳蘅連綠水相送杳無涯

晚泊孤嶼無補還吳門

出郭一搖棹颯然風滿林正當江海處無那別離心孤
磬連潮上浮雲夾岸陰明朝高閣上還憶此登臨

桐廬江行雜詩

翠壁動寒沙清江二月槎風吹山縣雨先發木奴花

古樹倚青嶂春雲覆浦艘夜潮空自上不到永嘉江

疊嶂樓

細雨逐溪風桃花滿眼紅春光最堪賞多在北樓中
山頭十日雨水向縣城流坐看落花去遙知風滿樓

初冬過胡印度山居

以下補遺

林空苔徑淺殘葉未離樹杲杲日出微披榛得樵路睽
離越寒暑容色各驚顧我疑子更衰子歎我非故所求
在衣食屢別寡歡聚有酒幾共斟無生良足慕冥心投
寂樂積想曠幽素寒溪更相送汨汨流泉注

得伯璣蕪湖書却寄

相逢世難成羈旅庾信平生賦可哀白下窮交幾人在

南州孺子一書來春風草色楊花落門巷鳩茲燕子回
衰髻不堪頻極目汀洲無限水潒洄

劉城一首

城字伯宗江南貴池人有嶧桐集

明詩綜詩話伯宗次尾足稱貴池二

妙才氣亦相激也

茶排沖

愛此一徑入投身兩壁間清泉漱石出白日照溪閑行
盡無人路惟餘太古山相攜採藥去何日更言還

王庭八首

庭字言遠一字邁人浙江嘉興人順治己丑進

士官山西布政使

池北偶談王言遠廉介不苟所至以清惠稱罷歸足跡不入城市常衣布袍行田間

人不知其二品大僚也年逾八十乃卒五言詩清真古澹有陶韋之風
與石湖邢昉相上下足稱逸品 朱竹垞縣尊曝書亭集王先生詩序
先生世居長水之南梅會里少與從兄翺介人以詩倡和旣而登進士
歷官方伯凡山川風土廢興治亂之跡友朋離合之感皆見於詩不傍
古人不下古手不爲格律聲調所縛類發乎
心性所得而絕剽賊之患蓋卓然可傳者也

雨後

落日殘雨餘林樹半昏黑南山白雲閒澹然見秋色冷
風何淒淒微微野煙息歸巢鳥更鳴當戶蟲還織惆悵
獨坐時悠悠思何極

秋雨遣懷

抱病身獨閒起行日云晏蕭條空林中靡靡秋雨遍殘
葉踏飢禽荒村吠寒犬虛室靜琴書閒階冷苔蘚欲愁
生計疎還嗟世情淺自適在邱園匪能薄軒冕悠悠歲

月深閒情誰當遣

送褚君培

夕陽送君去浩歌成獨還君來山窗下竹石如我閒衆
鳥自棲息月明溪水間柴門復誰待呼童方閉關

不相見

故人不相見每恨相別久花落空亭臺蟬鳴滿楊柳涼
月上南園對影酌杯酒在昔同車歸能不念攜手

曉雨

獨鳥鳴南園曉來雨初息空庭生秋陰莓苔長寒色去
來識閒情耳目杳無極何處復懷思悠悠不可得

所思

所思竟惆悵夜寒風雪深嗟君重離隔感此孤曠心將
以路云遠幽夢能見尋翩然發清興爲我彈鳴琴柴門
宛如昔相送在南林共言別來意日暮愁鄰砧

懷曹九生兄弟

相思不一見惆悵意如何夕陽渡溪水鳥啼深樹多

坐雨

夜雨苦未歇朝來尚紛紛蕭疎入庭竹坐久更相聞

蕭雲從

一首

雲從字尺木江南蕪湖貢生

池北偶談蕭尺木以畫擅名江左常作杜律細一卷

以爲杜律無拗體穿鑿可笑而援據甚博吳寶崖陳琰曠園雜志胡季瀛守太平日慕蕭尺木畫三訪之俱辭不見胡怒時新修采石磯太白樓成遂于案牘中插入尺木名攝之比至送至樓中令曰若圖成卽當開釋尺木年已七十餘方臥病不得已畫匡廬裁眉泰岱衡岳四伏